



UNIVERSITÄTS-
BIBLIOTHEK
PADERBORN

Universitätsbibliothek Paderborn

Agenda Ecclesiae Paderbornensis

Dietrich <Paderborn, Bischof>

Paderbornae, 1602

Benedictio Segetum & Seminu[m] in festo S. Marci & diebus rogation[u]m.

urn:nbn:de:gbv:23-drucke/s-483a-2f-helmst3

BENEDICTIO SEGETVM ET SEMINVM IN FESTO S.

Marci & diebus roga-
tionum.

IN festo S. Marci, Sacerdos benedicturus, segetes, exiens
cum clericis & populo in agrum, precedente cruce & ce-
reis, super pelliceo & stola ornatus, incipiat Litaniam, sicut
habetur infra. Quas finitâ, dicat.

Kyrie eleison. **C**hriste eleison. **K**yrie
eleison. **P**ater noster. **A**ue Maria.

Vers. Domine exaudi orationem meam.

Resp. Et clamor meus ad te veniat.

Vers. Dominus vobiscum.

Resp. Et cum Spiritu tuo.

OREMVS.

Pietatem tuam quasumus, omnipotēs Deus,
vt has primitias creaturæ, quas aëris & pluuiæ
temperamento nutrire dignatus es, bene-
dictionis tuæ imbre perfundas: tribuas popu-
lo tuo, de tuis muneribus, tibi semper gratias
agere: & à sterilitate terræ esurientium ani-
mas bonis affluentibus repleas: vt egenus &
pauper laudent nomen gloriæ tuæ. Per Chri-
stum Dominum nostrum. **Resp.** Amen.

Ff

ORE

O R E M V S.

OMnipotens sempiterne DEVS, arbitèr throni: qui molem terræ ex nihilo pendentem gubernas, & ad victum humani generis, corporisq; sustentationem, agros operibus excolere iussisti: misericordiam tuam supplices exoramus, vt quicquid in hos agros salubris feminis satum atq; plantatum est, respectu tuæ clementiæ prospicias: & aëris temperiē moderare digneris: vt resecto atq; absorpto omnium tribulorū, atq; spinarum squalore, efficias fruges foecundas, & ad maturitatem perfectam tribuas prouenire: vt nos famuli tui vberem tuorum donorum fructū, cum gratiarum actione percipientes, debitas atq; acceptas nomini tuo laudes referre mereamur. Per Christum Dominum nostrum, *Resp. Amen.*

O R E M V S.

TE Domine petimus ac rogamus, vt hos fructus seminum, frugum, frumenti, silignis, hordei, auenæ, ac aliorum cuiuscunq; generis existant, tuis oculis serenis, hilariq; vultu respicere digneris. Sicut enim testatus es Moyse famulo tuo in terra Ægypti dicens: Dic filiis Israël cum ingressi fuerint terrā promissionis, quam eis daturus sum: vt primitias

fru-

frugum offerant Sacerdotibus: & erunt benedictæ fruges: ita & nos oramus te, Domine: vt auxilium gratiæ tuæ super nos, & hos fructus ad bene **✠**dicendum, proferendum concedas: vt non grando furripiat, non turbo subuertat, nec vis tempestatu detruncet, æris ficitas exurat: non inundatio pluuialis exterminet, sed incolumes & superabundantes propter vsum hominum ad plenissimā maturitatem perducere digneris. Per Christum Dominum nostrum. **Resp. Amen.**

O R E M V S.

Domine sancte Pater omnipotens, æterne Deus: mitte Spiritum sanctum tuū cum Angelis & Archangelis tuis, & cum eis omnes Sanctos, & electos tuos: vt defendant segetes nostras a vermibus malis & ab auibus, vt magnificetur nomen tuum. Deus in omni loco. Per Dominum nostrum Iesum Christum filium tuum, qui tecum, &c. **Resp. Amen.**

Deinde Sacerdos circumeat agros, vel partem eorum,
& aspergat aqua benedicta, dicatq;
tandem.

ET benedictio Dei omnipotentis, Pa **✠**tris,
& Fi **✠**lij, & Spiritus **✠**sancti, descendat
& maneat super has fruges.

Resp. Amen.